



Broj: 01/1-50-1-1-60/09
Sarajevo, 13.1.2009. godine

Z A P I S N I K

60. sjednice Ustavnopravne komisije

Sjednica je održana 13. 1. 2009. , s početkom u 10 sati.

Sjednici su prisustvovali članovi Komisije: Šefik Džaferović, Velimir Jukić, Lazar Prodanović, Ekrem Ajanović, Momčilo Novaković, Halid Genjac, Drago Kalabić, Martin Raguž i Adem Huskić.

Osim članova Komisije, sjednici su prisustvovali predstavnici: Agencije za sigurnost hrane BiH Sejad Mačkić, Zoran Đerić, Ministarstva pravde BiH Jusuf Halilagić i Milana Popadić, OHR-a Maja Ribar i Daria Duilović, OSCE-a Amra Zorlak, Zakonodavnopravnog sektora PSBiH Aida Kreho i Alma Salkić Mijić, te Sektora za odnose s javnošću PSBiH Almedina Delalić.

Sjednici su prisustvovali sekretar Komisije Igor Bajić i stručni saradnik u Komisiji Nedžad Salman.

Komisija je jednoglasno usvojila sljedeći

D N E V N I R E D

1. Usvajanje Zapisnika 59. sjednice Komisije, održane 22.12.2008. godine;
2. Prijedlog zakona o oružju, predlažać: Vijeće ministara BiH (**usklađenost s Ustavom BiH i pravnim sistemom u skladu s članom 103. Poslovnika Doma**);
3. Prijedlog zakona o dopunama Zakona o carinskoj tarifi Bosne i Hercegovine predlažać: Vijeće ministara BiH, (**usklađenost s Ustavom BiH i pravnim sistemom u skladu s članom 103. Poslovnika Doma**);
4. Prijedlog zakona o izmjenama i dopunama Zakona o državljanstvu BiH, predlažać: Vijeće ministara BiH (**usklađenost s Ustavom BiH i pravnim sistemom u skladu s članom 103. Poslovnika Doma**);
5. Prijedlog zakona o genetski modificiranim organizmima, predlažać: Vijeće ministara BiH, (**postupak u nadležnoj komisiji u skladu s zaključkom Doma**);
6. Prijedlog zakona o maloljetnim učinocima krivičnih dijela i krivičnopravnoj zaštiti djece i maloljetnika, predlažać: Vijeće ministara BiH (**postupak u nadležnoj komisiji u skladu s članom 110. Poslovnika Doma**);
7. Ostala pitanja:
 - Informacija o izvršenju zakona iz oblasti obrazovanja donesenih na nivou BiH (**razmatranje informacije u skladu sa članom 41. stav (2) Poslovnika Doma**)
 - Zahtjev za autentičnim tumačenjem člana 28. Zakona o izmirenju obaveza po osnovu računa stare devizne štednje, („Službeni glasnik BiH“ brojevi: 28/06 i 72/07), podnosilac: poslanik Selim Bešlagić (**razmatranje zahtjeva u skladu s članom 137. stav (2) Poslovnika Doma**).

Ad.1. Usvajanje Zapisnika 59. sjednice Komisije, održane 22.12.2008. godine;

S obzirom da nije bilo rasprave, Komisija je jednoglasno usvojila Zapisnik 59. sjednice.

Ad.2. Prijedlog zakona o oružju, predlađač: Vijeće ministara BiH (usklađenost s Ustavom BiH i pravnim sistemom u skladu s članom 103. Poslovnika Doma);

Predsjedavajući je otvorio raspravu u kojoj su učestvovali članovi Komisije Momčilo Novaković i Ekrem Ajanović.

Nakon rasprave Komisija je, sa šest glasova „za“, dva glasa „protiv“ i bez „suzdržanih“ glasova, utvrdila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Ad.3. Prijedlog zakona o dopunama Zakona o carinskoj tarifi Bosne i Hercegovine predlađač: Vijeće ministara BiH, (usklađenost s Ustavom BiH i pravnim sistemom u skladu s članom 103. Poslovnika Doma);

Nakon rasprave, Komisija je jednoglasno utvrdila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Ad.4. Prijedlog zakona o izmjenama i dopunama Zakona o državljanstvu BiH, predlađač: Vijeće ministara BiH (usklađenost s Ustavom BiH i pravnim sistemom u skladu s članom 103. Poslovnika Doma);

Nakon rasprave, Komisija je jednoglasno utvrdila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Ad.5. Prijedlog zakona o genetski modificiranim organizmima, predlađač: Vijeće ministara BiH, (postupak u nadležnoj komisiji u skladu s zaključkom Doma);

Predsjedavajući je otvorio raspravu u kojoj su učestvovali članovi Komisije Momčilo Novaković, Halid Genjac, Adem Huskić, Šefik Džaferović i Ekrem Ajanović.

Nakon rasprave Komisija je, sa osam glasova „za“, bez glasova „protiv“ i jednim „suzdržanim“ glasom, usvojila amandman I koji glasi:

Amandman I

Amandmani I, II, IV, V, VI, VII, VIII, X, XI, XII iz Izvještaja Ustavnopravne komisije brišu se.

Komisija je jednoglasno usvojila sljedeće amandmane:

Amandman II

U članu 2. u tački 25) nakon riječi : „ u poslovanju“ dodaju se riječi: „ sa GMO“.

Amandman III

Član 3. mijenja se i glasi:

„Član 3.

(Nadležni organi)

(1) U smislu ovog zakona nadležni organi su: Agencija za sigurnost hrane Bosne i Hercegovine (u daljem tekstu: Agencija), Ured za veterinarstvo Bosne i Hercegovine, Uprava Bosne i Hercegovine za zaštitu zdravlja bilja, organi entiteta, kantona i Brčko Distrikta BiH nadležni za oblast poljoprivrede, šumarstva i vodoprivrede, oblasti zdravstva i zaštite životne sredine.

(2) Za sprovođenje ovog zakona, u slučaju kada se GMO i/ili proizvodi koji sadrže i/ili se sastoje i/ili potiču od GMO-a:

a) ograničeno upotrebljavaju u kontrolisanom zatvorenom sistemu, nadležna su entitetska ministarstva nadležna za pitanja nauke uz saglasnost organa entiteta, kantona i Brčko Distrikta BiH nadležnih za oblast poljoprivrede, šumarstva i vodoprivrede i mišljenja ostalih nadležnih organa;

b) namjerno unose u okoliš, nadležna su entitetska ministarstva za pitanja poljoprivrede, vodoprivrede i šumarstva, uz prethodno pribavljeno mišljenje ministarstva zdravstva i ministarstava nadležnih za zaštitu okoliša ;

c) stavljaju na tržište

1) kao hrana ili hrana za životinje, nadležna je Agencija uz prethodno pribavljeno mišljenje nadležnih organa;

2) kao reprodukcioni materijal u poljoprivredi i šumarstvu ili kao sredstva za zaštitu bilja, nadležna je Uprava Bosne i Hercegovine za zaštitu zdravlja bilja uz saglasnost organa entiteta, kantona i Brčko Distrikta BiH nadležnih za oblast poljoprivrede, šumarstva i vodoprivrede;

3) kao lijekovi ili reprodukcioni materijal u veterinarstvu, nadležan je Ured za veterinarstvo BiH uz prethodno pribavljeno mišljenje nadležnih organa;

4) prilikom upotrebe GMO-a i/ili proizvoda koji sadrže i/ili se sastoje i/ili potiču od GMO-a u kozmetici, farmaciji ili zdravstvenoj zaštiti ljudi, nadležna su entitetska ministarstva zdravstva i Brčko Distrikta BiH uz prethodno pribavljeno mišljenje nadležnih organa;

5) za inspekcijski nadzor označavanja u prometu GMO-a i/ili proizvoda koji sadrže i/ili se sastoje i/ili potiču od GMO-a, nadležne su entitetske uprave za inspekcijske poslove, kantonalne inspekcije, inspekcije u okviru lokalnih organa uprave i Inspektorat Vlade Brčko Distrikta BiH.

(3) Nadležni organi iz st. (1) i (2) ovog člana sprovodiće službene kontrole, inspekcijski i upravni nadzor u skladu sa važećim zakonskim propisima u Bosni i Hercegovini, entitetima i Brčko Distriktu BiH. Nadležni organi dužni su da međusobno sarađuju. Naučno-stručno tijelo osnovano u skladu sa ovim zakonom dužno je da nadležnim organima uprave iz st. (1) i (2) ovog člana pruže stručnu pomoć u sprovođenju ovog zakona.

(4) Agencija je centralno i koordinaciono tijelo za obavljanje stručnih poslova u vezi sa GMO."

Amandman IV

U članu 4. u stavu (1) riječ: „ovoga“ mijenja se riječju: „tog“.

Amandman V

Član 5. mijenja se i glasi:

„Član 5.

(Izuzeci od primjene)

(1) Odredbe ovog zakona ne primjenjuju se na:

a) genetičke modifikacije koje se dobivaju primjenom jedne od sljedećih metoda (pod uslovom da ne obuhvataju korištenje rekombinantnih molekula nukleinske kiseline ili GMO-a različitih od onih proizvedenih jednom ili više tehnika/metoda navedenih u nastavku):

1) mutageneza;

2) ćelijska fuzija (uključujući i fuziju protoplasta) biljnih ćelija organizama koji mogu razmjenjivati genetički materijal tradicionalnim uzgojnim metodama.

b) ograničenu upotrebu GMO-a koji nisu štetni za zdravlje ljudi i okoliš prema kriterijima određenim posebnim propisom;

c) kopneni, željeznički, zračni, pomorski i riječni prijevoz GMO-a;

d) postupanja sa živim modificiranim organizmima koji su opasni po okoliš na koja se primjenjuju odredbe posebnih propisa kojima se uređuju prijevoz, tranzit i postupanje s opasnim tvarima, ako ovim zakonom ili na osnovu njega donesenim propisom nije drugačije određeno;

e) Samokloniranje koje se sastoji od uklanjanja sekvenci nukleinske kiseline iz ćelije organizma koje može ali i ne mora biti praćeno ponovnim umetanjem cijele ili sekvence te nukleinske kiseline (ili sintetičkog ekvivalenta), sa ili bez prethode enzimske ili mehaničke faze, u ćelije iste vrste ili u ćelije filogenetički blisko srodnih vrsta, koje mogu izmjenjivati genetički materijal prirodnim fiziološkim procesima, gdje ne postoji vjerovatnoća da će dobijeni mikroorganizam izazvati bolest kod ljudi, životinja ili biljaka.

Samokloniranje može uključivati upotrebu rekombinantnih vektora sa već poznatom praksom sigurne upotrebe u određenom mikroorganizmu."

Amandman VI

U članu 17. u stavu (2) tačka d) glasi:

„d) „sadržaj mišljenja Vijeća za GMO.“

U stavu (2) tačka e) briše se.

Amandman VII

U članu 22. u stavu (3) u tački c) na kraju teksta dodaje se riječ: „korisnika.“

Nakon tačke c) ostale tačke postaju tačke d),e),f) i g).

Amandman VIII

U članu 23. u stavu (1) u tački b) riječ: „Odbora“ mijenja se riječima: „Vijeća za GMO“.

U stavu (2) riječi: „Odbor za ograničenu upotrebu GMO-a dužan je“ mijenjaju se riječima: „Vijeće za GMO dužno je“.

Amandman IX

U članu 27. u stavu (2) riječi: „Odbora za ograničenu upotrebu GMO-a“ mijenjaju se riječima: „Vijeća za GMO“.

U stavu (3) riječi: „Odbor za ograničenu upotrebu GMO-a dužan je“ mijenjaju se riječima: „Vijeće za GMO dužno je“.

U stavu (4) riječi: „Odbora za ograničenu upotrebu GMO-a“ mijenjaju se riječima: „Vijeća za GMO“.

Amandman X

U članu 28. u stavu (2) riječi: „Odbora za ograničenu upotrebu GMO-a“ mijenjaju se riječima: „Vijeća za GMO“.

U stavu (4) riječi: „Odbor za ograničenu upotrebu GMO-a dužan je“ mijenjaju se riječima: „Vijeće za GMO dužno je“.

Amandman XI

U članu 38. u stavu (1) riječi: „Odbora za unošenje GMO-a u okoliš“ mijenjaju se riječima: „Vijeća za GMO“.

U stavu (3) riječi: „Odboru za unošenje GMO-a u okoliš“ mijenjaju se riječima: „Vijeću za GMO“.

U stavu (4) riječi: „Odbor za unošenje GMO-a u okoliš“ mijenjaju se riječima: „Vijeće za GMO“.

U stavu (5) riječi: „Odbor za unošenje GMO-a u okoliš dužan je“ mijenjaju se riječima: „Vijeće za GMO dužno je“.

Amandman XII

U članu 40. u stavu (3) riječ: „dijela“ mijenja se riječju: „poglavlja“.

Amandman XIII

U članu 44. u stavu (1) iza riječi „pribavljenog“ dodaje se riječ: „pozitivnog“, riječi: „Odbora za unošenje GMO-a u okoliš“ mijenjaju se riječima: „Vijeća za GMO“ a na kraju teksta dodaju se riječi:

„GMO-a ili proizvoda od GMO-a“.

Amandman XIV

U članu 45. stav (4) postaje stav (3).

Amandman XV

U članu 46. u stavu (1) riječi: „ Odbora za unosenje GMO-a u okoliš“ mijenjaju se riječima: „Vijeća za GMO“.

U članu 46. u stavu (2) riječi: „ Odbor za unosenje GMO-a u okoliš dužan je“ mijenjaju se riječima: „Vijeće za GMO dužno je“.

Amandman XVI

U članu 50. u stavu (5) riječi: „nadležnog odbora“ mijenjaju se riječima: „Vijeća za GMO“.

Amandman XVII

U članu 51. u stavu (4) riječi: „će se upotrebljavati“ mijenjaju se riječima: „ se upotrebljavaju“. Nakon stava (4) ostali stavovi postaju stavovi (5) i (6).

Amandman XVIII

U članu 53. u stavu (4) riječi: „ provodit će“ mijenjaju se riječju: „ provode“.

Amandman XIX

U članu 54. u stavu (1) u tački b) i c) riječ: „te“ briše se.

U stavu (2) riječi: „ propisat će“ mijenja se riječju: „propisuje“.

Amandman XX

Naziv poglavlja VII mijenja se i glasi: „NAUČNO-STRUČNO TIJELO ZA PROVOĐENJE ZAKONA“.

Član 55. mijenja se i glasi:

„Član 55. (Vijeće za GMO)

(1) Radi praćenja stanja i razvoja u oblasti rukovanja GMO-om i pružanja stručne pomoći nadležnim organima u sprovođenju ovog zakona, Vijeće ministara BiH, na prijedlog Agencije sa liste kandidata iz naučnih, stručnih i obrazovnih institucija iz entiteta i Brčko Distrikta BiH, odlukom bira Vijeće za GMO na period od četiri godine, s tim da mogu biti imenovani još jedan mandat.

(2) Vijeće za GMO ima sedam članova, koji se biraju isključivo između eminentnih naučnika i stručnjaka iz oblasti mikrobiologije, genetike, medicine, veterinarske medicine, biohemije, molekularne biologije, farmacije, biotehnologije, poljoprivrede, šumarstva, prava, zaštite na radu, zaštite prirode i zaštite životne sredine, vodeći računa o ravnopravnoj zastupljenosti svih naroda i odgovarajućoj zastupljenosti entiteta i Brčko Distrikta BiH.

(3) Vijeće za GMO između svojih članova bira predsjednika i njegovog zamjenika. Vijeće za GMO je samostalno i nezavisno tijelo i njegov rad je javan. Vijeće za GMO odlučuje većinom glasova, koja uključuje najmanje po jednog predstavnika svakog entiteta i svakog konstitutivnog naroda.

(4) Vijeće za GMO donosi poslovnik kojim uređuje način rada.

(5) Sredstva za rad Vijeća za GMO i obavljanje stručno-administrativnih poslova osiguravaju se u Budžetu institucija Bosne i Hercegovine.“

Amandman XXI

Član 56. mijenja se i glasi:

„Član 56. (Zadaci Vijeća za GMO)

(1) Vijeće za GMO obavlja sljedeće poslove:

- a) daje mišljenja o upotrebi GMO-a u upravnim postupcima i drugim postupcima po zahtjevu nadležnih organa u skladu sa ovim zakonom;
- b) daje mišljenje i predloge u pripremi propisa o upotrebi GMO-a;

- c) daje mišljenja i predloge nadležnim organima državne uprave o pitanjima upotrebe GMO-a;
- d) prati stanje i razvoj u oblasti korišćenja genetičke tehnologije i upotrebe GMO-a;
- e) prati naučno-stručna dostignuća i daje mišljenja u vezi s upotrebom genetičke tehnologije i upotrebom GMO-a;
- f) daje mišljenja u vezi sa socijalnim, etičkim, tehničkim i tehnološkim, naučnim i drugim uslovima korišćenja GMO-a;
- g) savjetuje nadležne organe o pitanjima vezanim za upotrebu GMO-a i genetičke tehnologije;
- h) izvještava javnost putem medija i stručnih skupova o stanju i razvoju u oblasti upotrebe genetičke tehnologije i upotrebe GMO-a, te o svojim stavovima i mišljenjima.
- i) obavlja i druge stručne poslove propisane ovim zakonom i propisima donesenim na osnovu njega.

(2) Vijeće za GMO podnosi godišnji izvještaj o radu. Izvještaj se podnosi Agenciji koja o izvještaju informiše Vijeće ministara i objavljuje ga na način dostupan javnosti."

Amandman XXII

Brisanjem člana 57. članovi 58.do 73. postaju članovi 57. do 72.

Amandman XXIII

U članu 62. koji je postao član 61. u stavu (1) iza riječi: „ nadležni“ dodaje se riječ: „inspekcijski“.

Amandman XXIV

U tekstu Prijedloga zakona vrše se normativno-tehničke ispravke u slijedećim odredbama:

U članu 4. u tački a) brojevi članova: „11. i 36.“ mijenjaju se brojevima: „10. i 35.“,

U članu 64. koji je postao član 63. u tački b) broj člana: „29.“ mijenja se brojem: „27.“.

U članu 65. koji je postao član 64 u tački a) broj člana : „17.“ mijenja se brojem: „16.“ u tački b) broj člana: „ 19.“ mijenja se brojem: „18.“ , u tački c) broj člana: „ 21.“ mijenja se brojem: „20.“ u tački d) brojevi članova: „23. i 24.“ mijenjaju se brojevima: 22. i 23.“, u tački e) broj člana: „ 25.“ mijenjaju se brojem: „24.“ , u tački f) broj člana: „ 26.“ mijenja se brojem: „25.“ , u tački g) broj člana: „ 26.“ mijenja se brojem: „25.“, u tački h) broj člana: „27.“ mijenja se brojem: „26.“, u tački i) broj člana: „ 29.“ mijenja se brojem: „ 28.“ , u tački j) brojevi članova: „ 30.i 31“ mijenjaju se brojevima: „29. i 30.“, u tački k) broj člana: „32.“ mijenja se brojem: „31.“, u tački l) broj člana: „ 32.“ mijenja se brojem: „31.“, u tački m) broj člana: „33.“ mijenja se brojem: „ 32.“, u tački n) brojevi članova : „36. i 37.“ mijenjaju brojevima: „ 35. i 36.“, u tački o) broj člana: „ 40.“ mijenja se brojem: „ 39.“, u tački p) broj člana: „ 41“ mijenja se brojem: „ 40.“, u tački r) broj člana: „ 42.“ mijenjaju brojem: „ 41.“, u tački s) brojevi članova: „ 43. i 48.“ mijenjaju se brojevima: „ 42. i 47.“, u tački t) broj člana: „ 51.“ mijenja se brojem: „ 50.“, u tački u) brojevi članova: „ 52. i 53.“ mijenjaju se brojevima: „ 51. i 52.“, u tački v) broj člana: „ 55.“ mijenja se brojem: „ 54.“, u tački z) broj člana: „ 15.“ mijenja se brojem: „ 14.“ u tački aa) broj člana: „ 16.“ mijenja se brojem: „ 15.“,

U članu 66. koji je postao član 65. u stavu (1) i (2) brojevi članova: „65. i 66.“ mijenjaju se brojevima: „ 63 i 64.“ .

U članu 67. koji je postao član 66. brojevi članova: „ 65. i 66.“ mijenjaju se brojevima: „ 63. i 64.“.

Amandman XXV

U članu 70. koji je postao član 69. u stavu (2), broj člana 72. mijenja se brojem „71“.

Ad.6. Prijedlog zakona o maloljetnim učiniocima krivičnih dijela i krivičnopravnoj zaštiti djece i maloljetnika, predlađač: Vijeće ministara BiH (postupak u nadležnoj komisiji u skladu s članom 110. Poslovnika Doma);

Predsjedavajući je otvorio raspravu u kojoj su učestvovali članovi Komisije Momčilo Novaković, Halid Genjac, Drago Kalabić, Šefik Džaferović i Ekrem Ajanović.

Na Prijedlog zakona koji ima 175 članova podnesen je 181 amandman. Predstavници Ministarstva pravde BiH zatražili su dodatni rok za pismeno izjašnjenje o podnesenim amandmanima jer suštinski predstavljaju novu verziju teksta zakona.

Komisija je nakon rasprave jednoglasno odlučila sljedeće:

- Ustavnopravna komisija predlaže Kolegiju Doma da prihvati zahtjev Komisije i produži rok za dostavljanje izvještaja za 30 dana;
- Ustavnopravna komisija traži od Vijeća ministara BiH, da zajedno sa članovima radne grupe, pregledaju sve amandmane i u roku od 20 dana dostave izjašnjenje o podnesenim amandmanima.

Ad.7. Ostala pitanja:

- **Informacija o izvršenju zakona iz oblasti obrazovanja donesenih na nivou BiH (razmatranje informacije u skladu sa članom 41. stav (2) Poslovnika Doma)**

Predsjedavajući je otvorio raspravu u kojoj su učestvovali: Ministar Sredoje Nović i članovi Komisije Šefik Džaferović, Drago Kalabić, Adem Huskić, Lazar Prodanović i Martin Raguž.

Komisija je nakon rasprave jednoglasno prihvatila Informaciju o izvršenju zakona iz oblasti obrazovanja donesenih na nivou BiH i predlaže Predstavničkom domu da navedenu Informaciju primi na znanje.

- **Zahtjev za autentičnim tumačenjem člana 28. Zakona o izmirenju obaveza po osnovu računa stare devizne štednje, („Službeni glasnik BiH“ brojevi: 28/06 i 72/07), podnosilac: poslanik Selim Bešlagić (razmatranje zahtjeva u skladu s članom 137. stav (2) Poslovnika Doma).**

Nakon rasprave jednoglasno je utvrđeno da zahtjev nije podnesen od strane ovlaštenog subjekta, kako propisuje odredba člana 137. stav (2) Poslovnika Predstavničkog doma Parlamentarne skupštine BiH, te da se o tome treba obavijestiti Kolegij Doma.

S obzirom da nije bilo više pitanja, sjednica je završena u 12 sati.

SEKRETAR KOMISIJE
Igor Bajić

PREDSJEDAVAJUĆI KOMISIJE
Šefik Džaferović